

Privilegio, d'Urbano IV. concesso al Monasterio, & Abbate di Monte Vergine, Nell' Anno 1263.

236

VRbanus, Episcopus servus servorum Dei. Dilectis filijs, Abbati, & Conuentui Monasterij, Montis Virginis, ad Romanam Ecclesiam, nullo medio pertinentis, Ordinis S. Benedicti, salutem, & Apostolicam benedictionem. Priuilegium, Alexandri Papa felic. mem. Prædecessoris nostri, in quo dictum Cænobium, cum omnibus Ecclesijs, & locis suis subditis, nullo mediante ad Romanam Ecclesiam pertinere, & quod non licet alicui Archiepiscopo, aut Ecclesiastica persona eidem Monasterio, & eius locis, & Ecclesijs, excommunicationes, & suspensiones indicare, ut Fratres illic Domino seruientes, ab omni Iurisdictione, & Dominio quorumcumque Ordinariorum liberi, & libertatis gratia potirentur. Atque auctoritate Apostolica, & speciali Priuilegio, Vos, & Ecclesias, & loca ipsi Cænobio subdita, ab onere præstationis, & solutionis cuiuslibet Canonis, Diocesano Episcopo debiti, vel alteri cuicumque Ecclesiastica persona debiti, liberamus, & eximimus; Volentes, vos multa libertatis prerogatiua gaudere, & soli Romana Ecclesia censuales existere. Datum apud Urbem Veterem, quinto idus Ianuarij 1263. Pontificatus nostri Anno II.

Privilegio, d'Urbano IV. concesso all' Abbate, e Monasterio di Monte Vergine, Nell' Anno 1264.

VRbanus, Episcopus servus servorum Dei. Dilectis
M m m Fi.

Filijs, Abbati, & Conuentui Monasterij Sancta Mariae Montis Virginis, ad Romanam Ecclesiam nullo medio pertinentis, tam presentibus, quam futuris Regularem vitam professis. Et si uniuersa Orbis Ecclesia, Apostolica Sedi, qua disponente Domino, super illas ordinaria potestatis obtinet Principatum, subesse noscuntur, aliquas tamen interdum, de sua auctoritatis plenitudine, specialius sibi subdit: sic eas à cuiuslibet Iurisdictione prorsus eripiens, ut nullum nisi Romanum Pontificem Superiorem, & Dominum agnoscant, constituendo ipsas, quodam singulari Priuilegio, liberar panitus, & exemptas. Ea propter, dilecti in Domino Filij, vestris postulationibus, gratu concurrente assensu, praefatum Monasterium S. Mariae Montis Virginis, situm in Dioc. Auell. in quo deuotè impenditis Domino famulatum, ac Ecclesias, & loca omnia sibi subdita, & personas eorum ad instar felic. record. antecessor. nostri Alexandri Romani Pontificis, in Ius, & proprietatem B. Petri, & praedictae Sedis assumimus, & praesentis scripti Priuilegio communimus, atque ab omni Iurisdictione, & potestate, ac dominio, tam Episcopi Auellini, qui pro tempore fuerit, quam quorumlibet aliorum Pralatorum, seu Ecclesiasticarum personarum, illud cum omnibus locis, Ecclesijs, & personis suis, de speciali gratia totaliter perpetuo exemptas. Ita quod, nec idem Episcopus Auell. nec aliquis alius Pralatus, seu quauis alia persona Ecclesiastica, ipsum cum omnibus Ecclesijs, & locis suis, per Nos ab omni Episcopali iure prorsus exemptum, vel Vos, vel seruos Dei, futuris temporibus inibi seruituros, interdiceret, suspendere, vel excommunicare valeant, seu quocumque modo, alias in praefatum Monasterium, Ecclesias, & loca eius omnia, & personas eorum Ius aliquod, haberet

Exemptio
Monasterio
rum, & Monachorum ab
omni iurisdictione Episcoporum,
& Pralatorum.

po-

statem, vel iurisdictionem aliquam exercere, & si contrafacere praesumptum fuerit, sit irritum, & inane. In primis, siquidem statuentes, ut Ordo Monasticus, qui secundum Deum, & B. Benedicti Regulam, in eodem Monasterio institutus esse dignoscitur, perpetuis ibidem temporibus, inuiolabiliter obseruetur. Prater ea quascumque Ecclesias, possessiones, & quaecumque bona idem Monasterium in presenti via tenet, & possidet, aut in futurum, concessione Pontificum, largitione Regum, vel Principum, oblatione fidelium, seu alijs iustis modis praestante Domino, poterit adipisci, firma vobis, vestrisque successoribus, illibata permaneant. In quibus haec proprijs nominibus, duximus exprimenda vocabulis.

Locum ipsum, in quo praefatum Monasterium, situm est, cum omnibus pertinentijs suis, Ecclesias Sanctorum Iuliani, & Thoma MM. & Hospitale, situm in pede Montis Virginis, cum domibus, molendinis, & possessionibus, quas habetis ibidem. Ecclesiam S. Mariae de Preposito, & Casale, quod ibi est constructum, cum omnibus pertinentijs suis. Castrum Mercuriani, cum Ecclesijs, hominibus, molendinis, iuribus, rationibus, & omnibus pertinentijs suis. In Territorio Auelleni, Ecclesias S. Marci, S. Damiani, & S. Nicolai, cum Hominibus, Terris, Vineis, Castanctis, molendinis, Iuribus, redditibus, & possessionibus, quas habetis ibidem. In Territorio Castri Submontis, homines, & alias possessiones, quas habetis ibidem. Homines, & possessiones, quas habetis in Monte Forti. In Diocesi Nolana, homines, redditus, quos habetis in Casali, qua Muniarum, Camillarum Quadrellas, & Siriniarum vulgariter nuncupantur. Domum Baiani, cum hominibus, redditibus, domibus, & possessionibus, quas habetis in Casali Anella, & perti-

M m m 2 neu.

sionibus suis. Redditum sexaginta fertarum Angul-
 rum, quem habetis in lacu Alifina. In Territorio Bi-
 sacciarum, Ecclesiam S. Petri de Pulueracchio, cum do-
 mibus, redditibus, & possessionibus suis. In Diacefi Vi-
 ci, in Territorio Vallata, Ecclesiam S. Georgij, cum domi-
 bus, redditibus, & pertinentijs suis. In Territorio Vi-
 ci, Ecclesiam S. Ioannis, & Casale, quod dicitur S. Ioan-
 nis de Aquaria, cum hominibus, molendinis, valcatorijs,
 domibus, redditibus, & possessionibus suis. Domos, red-
 ditus, & possessiones, quas habetis in Flumari, & perti-
 nentijs eius. In Diacefi Frequentina, Ecclesiam S. An-
 geli, Plestum de Morra, cum domibus, nemoribus, &
 possessionibus suis. In Territorio Rocca S. Felicis, Ec-
 clesiam S. Casarij, cum domibus, redditibus, & posses-
 sionibus suis. In Territorio Frequenti, Ecclesias S. Nico-
 lai, & S. Crucis, cum domibus, & possessionibus suis. Do-
 mus, redditus, & possessiones, quas habetis in Terris, que
 Crypta de Albito, aqua putrida, vulgariter nominatur.
 In Territorio Patermi, Ecclesiam S. Quirici, cum homi-
 nibus, domibus, molendinis, redditibus, & possessionibus
 suis. In Diacefi Nusci, in Territorio Casalis Balneoli,
 Ecclesias S. Sebastiani, & S. Laurentij, cum hominibus,
 molendinis, domibus, redditibus, & possessionibus suis.
 In Territorio Taurasi, & Lapigij, Ecclesiam S. Maria.
 Domos, molendinum, redditus, & possessiones, quas ha-
 betis ibidem. In Ciuitate Ariani, Ecclesiam S. Benedi-
 cti, cum domibus, redditibus, & possessionibus suis. In
 Territorio Amanda, Ecclesiam S. Maria, cum posses-
 sionibus suis. In Territorio Apicij, Hospitale Pauperum,
 molendina, domos, & possessiones, que habetis ibidem.
 In Territorio Montis Fuscoli, Ecclesias S. Ioannis, S.
 Maria, & S. Bartholomai, cum hominibus, redditibus, &
 pos-

possessionibus suis. In Territorio Zuncoli, Ecclesiam S.
 Cataldi, cum domibus, molendinis, redditibus, & posses-
 sionibus suis. In Ciuitate Beneuenti, Ecclesiam S. Iaco-
 bi, & S. Vincentij, cum domibus, redditibus, & posses-
 sionibus suis. In Territorio Petra Pulcina, Ecclesiam S.
 Marci, cum domibus, redditibus, & possessionibus suis.
 In Territorio Gulisani, in partibus Sicilia, Roccellam,
 & Ecclesiam S. Saluatoris, cum domibus, molendinis, red-
 ditibus, & possessionibus suis, cum Terris, pratis, vineis,
 nemoribus, & pascuis in Bosco, & plano, in aquis, & mo-
 lendinis, in vijs, & semitis, & in omnibus alys libertati-
 bus, & immunitatibus suis.

Sanè, laborum vestrorum, quos proprijs manibus, aut
 sumptibus colitis, siue de vestris animalium nutrimen-
 tis, nullus à vobis decimas exigere, vel extorquere pra-
 sumat. Liceat quoque vobis, Clericos, vel Laicos, libe-
 ros, & absolutos à saculo fugientes ad cenuersionem re-
 cipere, & eos absque contradictione aliqua retinere.
 Prohibentes insuper, ut nullus Fratrum vestrorum, post
 factam Monasterio vestro professionem, fas sit, absque
 Abbatis sui licentia, de eodem loco discedere: Disceden-
 te verò, absque litterarum vestrarum cautione, nul-
 lus audiat retinere.

Cum autem, Generale interdictum Terra fuerit, li-
 ceat vobis, clausis ianuis, exclusis excommunicatis, & in-
 terdictis, non pulsatis campanis, suppressa voce, Diuina
 officia celebrare, dumodò causam non dederitis interdi-
 cto; Chrisma verò, Oleum Sanctum; Consecrationem
 Altarium, seu Basilicarum; Ordinationes Clericorum,
 qui ad ordines fuerint promouendi, & alia Ecclesiastica
 Sacramenta, à quocumque malueritis Catholico Antisti-
 te, suscipere auctoritatem, & communionem Sedis Aposto-
 lica

233
 Exemptio à
 solutione de
 cimarum.


lice habente, qui nostra fretus auctoritate vobis, quod postuletur, impendat. Libertates quoque, & immunitates antiquas, ac consuetudines Monasterio vestro concessas, ratas habemus, & eas perpetuis temporibus illibatas permanere, sancimus. Sepulturas quoque ipsius loci, & Ecclesiarum suarum, liberam esse decernimus, ut eorum deuotioni, & extreme voluntati, qui se illic sepeliri deliberauerint, nisi forte excommunicati, & interdicti sint, aut etiam publice usurarij, nullus obsistat. Ad hac adijcimus, ut nullo Archiepiscopo, seu Episcopo facultas, ac sine Romani Pontificis licentia, Monasterium ipsum, Ecclesias, & loca sibi subiecta, vel Monachos, seu Clericos, qui in Ecclesiis ipsis, ubi Monachi sunt morantes, interdicto, vel excommunicationi subijcere; Sed deinceps, omnino licentiam damus, & concedimus vobis, vestrisque successoribus, inuestitores fieri Ecclesiarum vestrarum, quas in Castris, Villis, & in prædijs vestris habetis. Præterea auctoritate S. Sedis Apostolica, concedimus vobis, vestrisque successoribus in perpetuum omnes oblationes viuorum, & legata defunctorum in integrum, quæ à modo, & deinceps ipsi Monasterio, & Ecclesiis illi subiectis, à quibuscumque personis liberis data fuerint, deposita, vel relicta. Decimas quoque, & possessiones ad ius Ecclesiarum vestrarum spectantes, quæ à laicis derinentur, redimendi, & legitime liberandi de manibus earum, & ad Ecclesias, ad quas pertinent reuocandi, libera sit vobis, de nostra auctoritate facultas.

Obeunte verò te, nunc eiusdem loci Abbate, vel tuorum quolibet successorum, nullus ibi qualibet subreptionis astutia, seu violentia præponatur, nisi quem Fratres communi consensu, vel Fratrum, maior pars Consilij senior, secundum Dei timorem, & B. Benedicti Regulam, præ-

240
 prouiderint eligendum. Electus verò liceat ei auctoritate Sedis Apostolica, à quocumque maluerit Catholico Antistite, Munus benedictionis suscipere; Fretus autem huius nostra gratia specialis, liceat quoque vobis conferre penitentiam, ob deuotionem, ad ipsum Monasterium confluentibus, & Monachis etiam constitutis, in Ecclesiis vestris habendi Parochias, & Casalia, fontem ibidem habere, Penitentiam, & Baptismum dare. Paci quoque, & tranquillitati vestra, paterna in posterum sollicitudine prouidere volentes, auctoritate Apostolica prohibemus, ut infra clausuras locorum, seu Granciarum vestrarum, nullus rapinam, seu furtum facere, aut igne apponere, sanguinem fundere, homines tenere, capere, aut interficere, seu violentiam audeant exercere. Si quis autem, aduersus Monasterium prædictum, iuxta se putat habere quærelam, & apud eiusdem Canobij Abbatem, vel Monachos litem, seu decernere, aut definire voluerit; Volumus, atque statuimus, ut ante Nos, vel Legatos nostros, quarimonia deferatur, quatenus a quiete Indicij, sine personali acceptione sua, cuique iustitia, Deo auctore seruetur.

Præterea omnes libertates, & immunitates a Prædecessoribus nostris Romanis Pontificibus, Monasterio vestro concessas, Nec non libertates Episcoporum, & exemptiones secularium exactionum à Regibus, & Pontificibus, vel alijs Christi fidelibus vobis indultas, auctoritate Apostolica confirmamus, & presentes scripti patrocinio communitus. Decernimus ergo, ut nulli omnino hominum liceat, præfatum Monasterium temerè perturbare, aut eius possessiones auferre, vel ablatas retinere, minuire, aut quibuslibet vexationibus suffragare, sed omnia integra seruetur eorum pro quarum gubernatione,

aut sustentatione concessa sunt, vsibus omnimodis profutura, salua Sedis Apostolica auctoritate. Ad iudicium autem ab Apostolica Sede, huiusmodi libertatis percepta obulum unum aureum Nobis, nostrisque successoribus, annis singulis persoluantis. Si qua igitur in futurum Ecclesiastica, secularisue persona, hanc nostrae Constitutionis paginam, scienter contra eam temerè venire tentauerit, secundo, tertioque commonita vis, reatum congrua satisfactione correxerit, potestatis, honorisue sui careat dignitate, reumque se diuino iudicio existere de perpetrata iniquitate cognoscat, & à Sacratissimo Corpore, & Sanguine Dei, & Domini Redemptoris nostri Iesu Christi, aliena fiat, atque in extremo examine districta subiaceat vultioni. Cunctis autem eidem loco sua iura seruantibus, fiat pax Domini nostri Iesu Christi, quatenus, & hic fructum bonae actionis percipiant, & apud districtum Iudicem, premia aeternae pacis inueniant. Amen. † Amen. † Amen. †



Ego Urbanus, Catholica Ecclesiae Episcopus.

Ego Symon, Tituli S. Martini, Presbyter Cardinalis.

Ego Antherus, Tituli S. Praxedis, Presbyter Cardin.

Ego Guilielmus, Tituli S. Marci, Presbyter Cardinal.

Ego Frater Ambaldus, Basilica XII. Apostolorum,

Presbyter Card.

Ego